

泰西新史攬要

泰西新史攷要卷之五

英國

馬銀西元本
李提摩太譯

上海蔡爾康之敘述稿

改制度

拿坡崙之騷擾歐洲也英國惟思得當以挫法國之銳庶幾歐洲大局不爲所掣朝廷之上咸謂茲事體大談何容易然苟專心致志異日必可告成功歐事且大有裨益故國之內政舉皆未暇措置草野之間亦咸謂拿坡崙既與歐洲各國爲仇我若不挫拿坡崙歐洲必無太平之日於是與上之人一德一心家雖困乏不敢顧也當是時也若有以肥身肥家爲言者衆人必笑之以鼻謂以若所爲殆不能爲我英人之苗裔矣○覘國者莫謂英無人也英廷早知治國之法有不甚合宜者必須改絃而更張之始可是長治久安之局滑鐵盧

大戰之前五十年英有貴相曰格辰大有變通制度之意蘇格蘭人
喝喝望治者非一日矣迨格辰之子曰璧特繼父而躋相位時則法
亂之前十年也欲成其父未竟之志日夜思所以變通之者一千七
百七十六年乾隆四十年即法亂之前十三年英員尾刻詩草創變通制
度之策事雖未成而近年之所議行者大半與其策吻合一千七百
九十一年乾隆五十六年英大臣麻欽吐詩宣言曰我國家所行之政能体
貼民心者甚少國之大權惟皇家及諸世家操之愚以爲而今而後
若不許民間畧擅微權心不克相安無事也此皆英人之卓卓者也
而所言如此且爲此言者不僅以上諸人已也凡隸於英吉利之人
皆覺國家舊制不甚妥洽急宜隨時變通民間始獲享乃寧靜之福
英國舊制本寓君民共主之意故設立上下兩議院英君與諸世家主

持上議院之政凡下議院所上之議或准或駁上議院得而定之其下
議院人員固由民間所公舉者也顧流弊至百年以前積重難返幾至
治民與治國若了不相關也者若不痛加裁改英民其何以爲生哉執
政者之言曰下議院諸員皆民間所公舉苟有重困民生者豈有不以
上聞之理此言似也而不知民舉者其名也官舉者其實也先就英倫
而計之凡世家之最大者二人可舉數員故爵臣諸福公之權可舉議
員十一人至下議院世職倫此皆可舉議員九人爵臣庫忒蘭公可舉
議員六人於是下議院之議員儼若爲上議院所派者十人而六七矣
且卽以民舉而論英倫所屬著名城鎮三十五處額定公舉下議院議
員七十人然三十五處民人中得舉舉官之權者實屬寥寥無幾據英倫
統計
易舉官之額然必其產業身家足定制付合始許列名舉職古則斤其權不足也卽如日沙倫一地額定舉官二員

而民之權足以舉官者竟無一人又如嘉吞一地亦有額舉二員而民之權足以舉官者僅有七人遂有世家謂吾家不特有此權而且尙有餘於權外也不妨以賄賂來以我權遂故欲舉嘉吞二員之入下議院者其權值英金十萬鎊即華銀四十萬兩又如一卑官也而其權實足以舉議員忽奉國家令旨謂應舉何人入院自願卑微豈敢不遵於是英倫緣此弊實所舉七十議員之外凡下議院官三百員大約不過官紳世家一百六十餘人所舉流弊至此可勝慨哉有地名呢子者中西人衣服等本無其名以其物織口呢子即以其地名名之華人則對音而譯作呢也與伯鳴罕與曼拙武等皆濱海之極大碼頭戶口又極繁盛然以其人僅製造工作之流亞故無權可舉一人入議院按凡言議院者皆指下議院也餘仿此或有納資於民以捐充議院人員者華例捐職者納資於上英例則納資於民民即舉之爲議員如臨什寧海口有人願爲之入議院必先捐給英金六千

鎊始得此缺又素伯釐地方人曾登日報告白出售議員之缺查充作
議員者必其能體貼民心代民辦事以期興利除弊者也惟捐納人員
類多不能恪盡其職故卑德斐地方曾有一次出售是缺而捐資以充
議員之人所議各事皆大拂乎民情已可詫異不謂卑德斐人並不思
屏而去之而索令增捐厚值是但顧目前之小利忘日後之大害也愚
民之愚一何可哂况凡捐資以充議員者一入議院當商議國事之際
往往以市道行之即如同一事也甲黨以爲便乙黨以爲不便議員不
問其事之曲直但索取兩黨之賄賂甲黨賄厚即右甲黨乙黨賄厚又
右乙黨上下交征利國事尙可問哉英國哲而治第三王在位民間盛
行賣官鬻爵之事者一千七百八十四年乾隆四十九年以前凡民間之列名
公舉議員者須歷四十餘日方可定奪乃哲而治第三王下令不准逾

十五日之限於是覲覲充作議員之輩廣購美酒邀人牛飲而不索其酒債以博大眾之歡心民間沈湎既久遂多酒癖甚至有累及終身者僅此人之外又有一人欲圖是缺則樽俎之間幾如戰陣民間受害更深此皆英倫之弊也○蘇格蘭一境積弊較英倫爲更甚其民並無舉官之權凡將舉議員時或在公所或在私家初無一定民間鐘聲嗶然則知新舉一議員矣一千八百三十年^{道光十年}合蘇格蘭各州縣統計可舉人爲議員者不過二千人內有波脫一縣僅有一人足敷舉官之權適值議員缺出其人卽舉某姓某名者可充議員而不知卽舉其本身也此真可謂同心合意矣呵呵其尤可笑者當時舉議員者名雖曰百姓也實則非舉自國家卽舉自世家故以蘇格蘭之大除鄉民本應舉官之外其城市中人不必商諸鄉民亦自敷舉官之權乃各大城之政

務局恒爲衆人代舉議員不知政務局中各輩亦非民間所公舉者也
惟衆皆無暇及此遂令之代辦耳如愛丁婆一地有獨舉一議員之權
其餘則合數大城或數大埠始克公舉一議員其時愛丁婆有衆十萬
人而政務局輩多至三十三人局董本非民舉其平時所辦之事皆受
公家之節制一一俯首遵行及至公舉議員之際各輩反獨攬大權僞
欲舉其子弟入議院國家以其奉令承教亦既有年不能不允其所請
然民困則何自蘇哉至蘇格蘭全省各大埠有舉充議員之權者亦不
過一千五百人耳

法國因積弊過深遂致民變他國聞法之亂也皆相顧動色凡民間欲
求去公家之弊者公家不敢不聽英民間法民復得舊權亦思羣起而
去英之弊徧英國人皆言前者法民受虧太甚目下理宜整頓英國各

新聞紙亦皆主此意以立論其倭人等演戲時往往以法事爲擗科謂法人今已脫除苦厄也英相璧特亦云今法蘭西忽改制度實爲各國中之出類拔萃者也英大臣福克思則曰法改制度不第有益於法且可大有益於歐羅巴洲各國夫法人之所整頓者正如紅日之初昇也英有舍利淡者亦廷臣中之卓著聲望者也嘗言曰法民之所爭者理也是誠一大善政也三人之言者合符節而凡英人之欲整頓英國制度以去其舊弊者皆謂英與法僅隔一水法人已獲其益英人必能脫苦海而登彼岸矣○不謂英人方興高采烈之時法禍忽起於蕭牆則誠意想所不到者也夫法之變制度固將順民心也乃不善於治國所立諸新政又多有不便於民且不便於鄰國者遂使枝節橫生爲生民之大害天下事固不可逆料故法之變君主而爲民主也分宜自顧

其國曰理其民庶永享昇平之福乃偏欲暗援他國以動其民心及拿坡崙獨掌法權又變民主而爲君主然仍以民主爲藉口貽禍偏於歐洲歐洲各國引爲殷鑒皆謂我國苦更改舊制恐亦不能相安故凡向之以法人能改制度而重視之者至此皆易而藐視法人即以英而論不特爲民上者以爲萬不可效法人之權改舊章也偏國之人亦皆不敢以此上請英宰相實特亦變其初議謂當此之時一應新法萬萬不可試行儻不以法人爲鑒而欲妄有所改革爲禍伊於胡底從此上下一詞凡更改制度整頓國事之心皆如飄風之散浮雲惟有奮其武勇以平定拿坡崙之亂爲綏靖歐洲之不二法門耳

歐洲既遭拿坡崙之亂血戰歷二十五年英廷恒專心於戰務民生之疾痛痼癢日久無人顧問及至承平而後始念國事之繁既多不得不

酌行裁改或謂是時貿易場中緣有戰務而別增利數然兵事既定忽
又衰敗民間之蓄有餘資者又無望國家之貸入而歷年所借之國債
不可紀極國家不知似此鉅款何以籌還重以歲屢不登民困日深一
日一千八百十六年^{嘉慶二十一年}每英金一先令僅能購麥四磅有奇合之
中國錢文斤兩計麥一斤需錢九十餘文向之以工藝為活者至此多
賦閒居即使有所藉手其工價又甚微細市間店肆無一可以獲利者
甚至織布廠鍊鐵廠及煤礦等紛紛閉門歇業各工人無所事事滿目
蒼涼而饑寒交迫之餘不免流而為盜賊且更有縱火以圖搶劫者工
人咸謂機器織造廠之奪其食一日糾眾入廠盡毀其機器其迎商各
大埠時以民亂聞蘇格蘭之愛斯哥海口亂黨猖狂急調官兵彈壓歷
二日夜始定○英民之窮至此即共聲言國家若再不改其舊制吾儕

一節四節
英廷不許
改章

萬無生理可恃者英之名士也倡為改制度之議著書立說家絃而戶誦之其書中言民生之因非天災也國家制度之不善也舉官法之不合也欲蘇民困必自痛改公舉議員之例始英人之心俱大感動於是各處創立公所日夜講求救民之法及至是歲之杪即一千八百一十六年徧國皆有人謂民既受盡苦楚當各有公舉議員之權

自時厥後民間凡歷十有六年之久常竊議變通治國之法若使英廷早能灼見周知凡制度之不便於民者速加改定則困民病民之政庶幾一旦掃除而無如執政者之喪如充耳也夷考歐洲故事凡有開軍國大訂者必皆詢謀僉同然後能見諸施行本非一人在上或與數大臣私自商酌即可貿然作為定制乃凌夷以至於時國之大權強半掌於英王及左右親信數大臣有語以小民雖賤亦富有治國之微權

者皆悍然而不之信且謂法蘭西之大亂亦既一休焉平彼隸我宇下之平民安敢與我爲難於是日積月累更恃勢力以壓之民困日益深民氣日益鬱而在廷之諸太僚既非民間之公舉強欲壓以權勢民心更日益不服其視官長也以爲彼不過憑藉寵榮遂得臨我之上耳其實官之所以爲心者實大拂乎民心且藐視我之賤漠視我之苦耳及叩諸各大僚則又謂民心之蠢動豈真知大弊之所在而欲求我輩改革哉氓之蚩蚩不過欲攘亂徧國之事使徧國中胥不獲太平耳故凡民間公推傑出之人代陳苦況者國家自之爲盜魁而民間之求請當復仍復其舉官之權者國家目之爲逆黨小民雖有隱衷誰肯加以體貼惟日以權勢鎮壓之而已○要之上下之心不一國家之禍直指顯聞事耳況當大戰之後民窮財盡其苦益甚乃英廷仍不以爲意也方

戰之殷也。公家購取民間之物，全以紙鈔償其值。至一千八百十九年^{嘉慶二十}，英廷忽命改用金銀，而金銀之源未開，周轉每多支絀。出口貨物緣是而漸減，其售諸國中者，貨日多而價日賤，假如向值英金一鎊者，至咸僅值十先令。行商坐賈，無不喪其資斧。商賈既貧，農工益困，綜覽英之大勢，直有朝不保暮之象矣。○英民之苦積而愈深，於是眾口一詞，咸執朝廷水深火熱之說，并謂朝廷待貴冑等一流人信有恩矣。下民何辜，遭此荼毒？居今之世，苟朝廷仍不肯給予眾民以舉官之權，然民萬無生路，而諸大鎮市之工匠人等亦皆有朝廷不准我輩舉官實屬不公之說。惟小已於國之功，令素不諳習，故其姑所行之事殊乖名分。其願爲萬姓侃侃陳詞之輩，亦未能恪守臣節。故既聞國家決意不准分舉官之權，卽共立誓永不購國家徵稅之貨。工匠本以力相尚

得有暇日遂以練武關狠爲常事此蓋如水之就下不期然而然者也

且各大鎮市業皆定有公舉之若干人聯名上稟指實其人之好字強

逼國家即准其人入議院

按凡言議院者亦下議院也

以充議員而聚眾既久即有惟

安分者闖入其中乘機滋鬧諸事在所不免矣○是時英廷雖疊聞書

報然以權勢壓平民之故智仍復堅不可撓旣而曼拙武城聚眾六萬

有奇共擬聯名再稟於公家務求准令舉官正在商定稟稿聞國家急

派馬步兵丁輔以炮隊如星馳電掣而至衆人手無寸鐵驚惶無措少

焉馬兵疾入街心衝其中堅不問男婦老幼紛紛勒洗衆人駭散此一

千八百十九年

嘉慶二十四年

事也英宰相聞報初不以無辜之民妄屠殺戮

爲可慘反賜書褒獎曼拙武之地方官并賀其戡亂之喜而六萬人中

之爲首者數輩已俯首而聽獄吏之鞫囚矣○其筮仕於英廷者時已

分爲兩班一曰守舊班一曰求新班雖勢鈞力敵兩不相下而守舊班方掌大權遂新創律法六條頒於民間其文畧謂一自今以後衆民若未經官邀請不准聚衆至五十人以上違者以犯法論二民間雖有小聚不准懸挂旗幟三倘官吏或疑某地藏有兵械可以任意搜查四不許民間團練五新聞紙館若於國事多所論說即加徵額外重稅六不論何處民間有事其強壓之權付之卡式雷與雪達摩兩大武員

英之求新班中衆官雖未能遽掌朝權而其心實與民心相印合惟辦事日淺皆欠小心寅畏之忱故祇於守舊班及民黨之間酌中立說如民黨則欲衆民皆有舉官之權守舊班則一槩不許於是求新班中之總理羅色建議云異日舉官之際若有大鎮市人出資以捐舉官之權者可將向例准其舉官之小地方移撥以收給之而守舊班仍不槩許

惟許向准舉官而今則已無人煙之處改給戶口畧多之處徧英國中諸民人皆謂無人不當有舉官之權且舉官時亦不必告知應受節制之人庶免迫令應舉某甲某乙并若使不遵卽受凌虐諸弊之苦守舊班諸官俱以爲國政之應興應革惟官吏得操其短長小民何知豈能干預故聞有論及國事之民人卽視爲犯法干紀上下隔閡一至於此欲求更改制度良實不易然民心終不服也特以法令之所在眾皆忍氣吞聲不敢與較惟精神以磨練而愈出才智以挫折而愈宏遂各表其明係自主有能之志以爲再越十年或二十年必能藉手以告成功矣○求新班中又出一人曰格雷與羅色同爲領袖因各曉諭衆民曰汝等若欲以勢力挾制國家必致潰敗決裂若能曲意忍耐則他日必有一秉公之法以安汝輩英民間之皆甚佩服時尙未有端倪也然日

第六節
法國又

復一日年復一年衆人皆知民間所執之理長而公家所執之理短

一千八百三十年道光十年法國正爲君主其民不服君之約束巴黎都中

人猝焉起事與君黨大戰三日卒逐其君聲言君不以民爲本安能治
國遂再改法蘭西爲民主之國英民間之躍躍欲動謂英民求朝廷變
通制度不過微末諸小節耳乃歷十有五年之久曾未允許分毫英法
近鄰也法人之心不甘英人何獨不然於是徧國中又皆有聚衆議事
之舉皆謂法民之所爲實屬大快人心我輩亦必求我國一律變通然
後能享太平之福云

法王旣爲民所逐渡海而遜於英求英王之庇護時正英王謝世其弟
惠良王第四卽位英例凡易新主議院亦必重舉新議員諸新議員所
議之事頗知體貼民心比之舊日議員之罔念民依者高出一籌從此

第七節
英民逐

士叔院
仍不准

英民漸有生機矣。○新議員既受事，求新班領袖格雷，宣言之第一事，即謂我英須變通章程，務求一至當不易之法，而守舊班領袖惠林，吞公爵時，正以宰相而兼掌大將軍事，語於格雷曰：以余愚見，竊謂我英制度，本已盡善盡美，決不必另行整頓，乃俟至眾議員聚集議事之際，大半皆以改革爲言，惠林吞自知不治於眾，甫越數日，循例自行告退，格雷繼之爲宰相，即允許眾議員改制之議，然亦僅託之空言，未遑舉辦也。既而格雷商辦一事，眾議員大半不以爲可，循照英例，格雷又不得不自行告退，且循例兼請另舉新議員，其新舉之員，常就舉時皆允爲民設法，以改英制，務使眾民皆得舉官之權，及眾會於下議院詢謀僉同，眾遂皆謂爲不日慶成矣。不料上議院之領袖，仍爲惠靈遜公，按律凡下議院議定事件，必須上之上議院及會商諸貴紳一次，即予批准，上議院以爲可，仍須上之英王以取進止。

雷乃請英王諭旨以王補入世職大臣中之可議准行者以敵駭議之
按英國上議院議員皆世職大臣也每議一事上議院員可贊小而否者多無
員數例即不准行然王苟以爲可即以王增入可者之數則可者之權重事乃進行
而英王顧不許格雷謂似此情形恐將蹈法之覆轍又急流而勇退英
民聞之惶駭無措各路之呈稟贖於下議院者紛如雨集其大意皆以
爲國用惟民是賴而民間歲輸之款惟貴下議院掌之今國家既不肯
俯順輿情是漠視小民也自茲爲始凡國家有所取於民請下議院概
從梗阻等語遂有多人擁至國家總銀行索取存銀且到處聚眾商議
如山崩如濤壓無有能解散之者而爲之魁首者又各声言國家終不
允保我民我民卽永不納賦亦有豫置兵械以練技勇者又有焚大埠
頭業已紛紛擾亂聞人傳說上議院貴紳惠林云公已有安民之法民
人喜而偵之則舍權勢以鎮壓小民而外初無別法也然事已至此權

勢二字萬不能行於是守舊班中諸議員似已回心轉意願願畧從求
新班之議然上下相懸太甚初非畧改一二端即謂可告無罪也守舊
班自知不洽無奈挂冠解組而格雷又為宰相矣

格雷既重入相英廷增給大權并增入上議院員缺上議院貴紳凡百
餘員皆見幾而作相率辭職於是英國制度始克准改時一千八百三

十二年道光十也自時厥後英廷深念民為邦本之義服官者無論大

小苟或稍拂乎民情即許眾民另舉賢員以代其職英民皆大懽喜○

者英廷於是年所准改者如居於城市中之民人每年所納房屋地故

各租滿英金十鎊合華銀四十兩者居於鄉間之民人年納房屋地畝各租滿

英金四十鎊合華銀一百六十兩者皆有舉官之權故英倫一省有城五十六座

每城民數俱不足二千人昔日共有舉官一百一十一員以入下議院之

提督今則全散其權於城鄉鎮市矣又有三十城每城民數不足四千
人昔日各有舉官二員以入下議院之權者今祇准每城舉一員矣而
新開埠頭二十所昔本無舉官之權者今每埠頭准各舉一員矣且另
有新開較大之埠頭二十二所今更准各舉二員矣昔日鄉間祇准舉
議員九十四員者今准有舉一百五十九員之權矣蘇格蘭各埠頭亦
准其舉官八員矣總而言之昔日英民舉官之權全不均平往往地小
而民鮮者得舉地大而物博者反不能舉今則一一釐正必公必平各
大鎮市無不周編且舉官之際悉從民之本願故凡物望所歸者無不
身膺議員之職不似昔日將相公卿議員之際由官長先行授意於民
民無奈而舉之其實所舉之員初非民之所屬意也

第一所
改制
舊制

國史

泰西新史摘要卷之六十

英國 馬恩西元本
李鴻章太譯

英除積弊一

蔡爾康芝紱述稿

今之論時事者無不曰此百年中英國加惠於民為他國之所不及者

舍一千八百三十二年道光十二年改制度之外莫與屬也富是時也英國

廷臣中之不願改者暗民間之氣象直斥之為叛亂按此則所謂守舊現也而求新

班中各臣僚則曰非叛亂也未整頓也治國宜務乎其本也夫天下治

國之法有二其一則一人為政或一族為政發號施令專使身圖上古

類然不以為怪其一則西人所謂民主之國也其創議之初英德美諸

國人居其大半皆謂民為邦本未有民不安而邦以永寧者英國制度

既改而後舍其舊而新是謀英民各有公庫官長之權不特皆知自重

且其孜孜向學其關繫之重如此反是以觀人苟無議論國事之權自
得與禽獸無異矣知自重且亦何必通學問哉○試問其關繫之所在
則其事已閱五十餘年不妨回溯其利弊而一評之也先以法律而論
一千八百三十二年道光十二年前英廷定律或緣保護一人起見或緣保
護一類人起見大抵忘公正而毗於偏私卽如欲保地主則於外來之
物若牛羊木植羊挑糧食等類皆科以重稅使人不敢入於是本國農
人所產之物俱價賤而利厚矣欲保富戶則凡英船所藏貨物可以
任意入口其非英船所藏者入口同而納稅之重不同於是英人皆爭
附英船此設法以富船商也凡外國入口之綢緞呢絨布紙張玻璃
鐵器等物皆科重稅外來之貨其價陡貴而難售於是英人皆爭購
英貨此設法以富製造日用諸物之貨耶也其英貨之欲出口而往他

國有朝廷又助之以資本而獨不准羊毛出口其意蓋欲遏令英人在
本國織造使眾民皆有專業以餬其口也又有保護織造諸般之律凡
匠人之力能織造者概不准遊於他國機器之關乎織造者概不准運
往外洋以杜絕他人之仿效至工匠之糾眾勒索廠主加給工資者則
又懸爲厲禁謂恐成本重而銷路滯也諸如此類各案中各案國家保
護利權之大益所謂保業法也殊不知終是而受苦者實繁有徒衆情
惶惶久欲向朝廷而申訴無如法之所在若輩初無公舉官員之權利
更有何人能於下議院中代宣其苦況日積月累變類相告計無復之
受虧彌眾矣○英國之官家世家貿易家富有田產家富未改制度以
前皆獲朝廷保護之益蓋所謂專利於一業也其餘食力之輩朝廷漠
不關心一千八百三十二年道光十既改制度凡舊之所定律法專利

於一業及一門一家者悉予刪除而以平等視衆人不論爲富爲貧爲

主爲友

即所謂東家夥計也

酌定新律無畸輕畸重之病所謂分利於衆人也且

凡舊律之大有害於小民者自一千八百三十二年

道光十三年

爲始垂四

十年逐漸刪改釐訂務俾小民皆獲利益而之樂蓋自與法蘭西大戰而

後徧國人心皆已深明利弊皆思重新整頓直至一千八百三十二年

道光十三年

甫立除弊以利民之根云

其所去之第一弊則俯准百工立公所也考英國於五百年前所定之

舊律有百工自立條規

即所謂行也

之禁至一千八百二十四年

道光十四年英

人皆知工作人等受苦太深舊律必應酌改而是年始弛機器出口之

禁至工人有貧他國工價之貴欲令本國而就之者亦准其任便出口

又若工人之欲增工價者從前本不准明白會商是年爲始國家亦不

第三節
本會官不設
筆數

加禁止各工人逐明目張膽不必如前之冥冥墮行矣工人積困之餘
得邀其與於是設立公所訂立條規平民閒或有受其虧者然其大致
則實有益於民也

一千六百六十年清初英國沙里王第二在位英人深恐受天主教人
之害議定一律若人不肯屏除天主教之禮而改從英國官定監督會
之禮者一切不准入仕所謂防限天主教之律也殊不知信從耶穌教
者於監督會之外更有長老會公理會浸禮會惟斯理會諸門今惟監
督會中人始准進仕人才埋沒必多豈得為公平之政然察惟恐天主
教中人重來貽害即使身難顯達亦所甘心一千七百九十年乾隆五十五年
有薩克思者建議以為國家之設此律不過專防天主教耳其餘各教
會人仕之禁宜從濶汰英廷不許時則英人尚知以君命為重謂若持

前四節
天主教
人從公之
緊

國例國家必不能容遂不敢堅執已見然明哲之士皆知此律之不公不免退有後言一千八百二十八年道光八年羅色為相堅請刪除禁律英廷許之而大教師之在上議院者增入一語於律中云必須基督教人方許筮仕於是律改而不公之弊去然惟增此一語猶太教中人遂不能入下議院英人之從猶太教者雖不甚多而中有大富之家既不能入下議院服官而議事終尚向有偏枯之處再閱三十年始有元律猶太教中人亦准服官仕途中遂無有因教而廢官者矣數百年前天主教中人掌英國之大權苛待耶穌教中人不遺餘力耶穌教既得勢恐天主教之為礙特設各律以鈐制之此蓋如中國唐時釋道兩教迭相猜忌之故知也阿爾蘭於百年之前得以別設議院院中議員皆耶穌教中人謂此明者我輩受天主教之大害今幸乘權藉勢

遂議改章以報前仇惟所改者過濫於苛凡天主教中人既不能舉以
入議院又不能別就雜流更不准甘肅有舉人爲官之權則至欲充律師
及醫生等類者亦加禁止若天主教人之子願改隨耶穌教者則准離
其本家圖充各項官職而猶令其公養之又若天主教中人欲購良馬
其價有英金五鎊之外合銀一百元者律文有禁倘或違禁私購經人覺
察不問其馬價值幾何亦無論何等之人但購英金五鎊給之牽馬徑去
天主教中人不敢羈阻也英律凡人死後大宗產業悉歸長子其他皆
不得與聞而阿爾蘭定律若天主教人之幼子改從耶穌教即可奪長
子之份應得又若天主教人死而未立有遺囑者其產業不得歸其本
教更有耶穌教之律師娶天主教之女爲妻者阿官卽追其律師之執
照而革去之且例定耶穌天王兩教人不得互連婚姻若有禮拜堂之

神甫主持其婚禮者以死罪論天主教人若敢潛伏議院樓上竊聽議員議事者一經搜獲卽捕而眞之獄審實科以重罪諸如此類之律法要皆極嚴無狀衆因謂其決不能通行持久也一千八百一十年英廷裁撤阿爾蘭之議院并爲英倫總議院因爲別定律法然仍卽上文所云從天主教而不從新舊會者不許居官欲居官者必從新舊會云云也至阿爾蘭積年不公之律衆人受害既久多有激而思變者甚至有戕官之舉英廷乃多派兵士往阿爾蘭彈壓其天主教人之習有身家者睹此情形多舍阿爾蘭而去以避眉睫之患○英大臣暨特入爲宰相曾許天主教人去舊律中太過之弊乃請之於英王不知王前受天主教人之大害豈肯輕改舊律況王當初卽位之時曾允衆民曰他日爲政必遵耶穌之教今若忽改律文非自食其言而失信於民乎故

凡臣下之以此爲言者卽目之爲不忠又閱多年英王之太子繼位爲王隨御上議院宣諭云父王末年陰憐天主教人之受屈而不能反汗心中常抱憂疑故多疾病也天主教人間之皆竊幸機有可轉惜新王不甚聰明故雖有此論終未有所更張愚謂新王旣知同隸宇下之天主教人受屈者多至六百萬自應秉公改律方爲正辦乃計不出此天主教人遂多受二十年之困苦惟明理之士日多雖明知王之不肯掃除弊政而當主持清議之際無不言此律之當改矣○屋司納者阿爾蘭人之信從天主教者也雄辯高談舉世無出其右每當衆人議論之際聆其聲款無不如寒蟬之際聲屋司納每一啟齒阿爾蘭省人卽其同聲附和幾於舉國若狂衆乃公舉之使爲申理天主教人之屈然屋司納仍息心靜氣不敢言過其實以啟亂萌衆益稱道之不絕口於是

屋可納得步進步不疾不徐衆則亦步亦趨不觸不背其時從旁觀之者以爲阿爾蘭一省人全叛英廷之號令實則皆聽屋可納之教言無一叛者屋可納在於阿爾蘭全境時或講習立說卽戶誦家誦時或口講指畫卽家喻戶曉且不獨阿官隨之已也英官亦多謂其言甚屬有理當時英員中僅惠靈吞公與披利大臣與王一德一心務欲堅持舊律耳及聞屋可納講論數次又見衆英員皆聽其言披利乃力勸惠靈吞必改舊律惠靈吞無可如何不得不入見英王勸王商改王本大不以爲然而亦無可如何於是道光九年一千八百二十九年遂取苛待天主教之舊律全行刪改當初改時有不明事理者謂天主教之徵必將復熾深以爲憂不知新律荒無流弊不過刪除不公不平之舊耳英廷旋又准天主教人屋可納入議院爲議員自此以後英廷用人之道祇問

第五節
獨金奴
販而救之

其遵守法律與否以爲進退而不問奉教之誰何也而耶穌天主兩教永遠相安矣

英議院既除教弊更爲補查舊律中有無他弊亦足爲民害者乎因憶二十五年前英國曾申販買黑人爲奴之禁而中美洲海島之黑奴六十萬頭依然如故於是有數善士出而力任此事先有善士克拉克生者窮年矻矻伏案著書苦口勸人萬萬不可販買黑奴旋有英官惠被福施及補施敦二員運以精心持以果力務欲全赦黑奴使爲平民永離苦海甫及數年徧英國人皆知黑奴之宜赦惟蓄奴者不許謂若輩侈口而談皆緣本不蓄奴遂欲慷他人之慨耳不知我輩中人皆白金去而黑奴始來一旦欲令赦免若輩固豈末無傷我輩則盡失其利此何理乎主持赦奴之官聞之乃曰我輩豈以空言買賣益哉君等果肯

赦奴則可陳明買奴之價會當籌款以相償也前奴者無辭以對遂由英廷籌英金二千萬鎊代償奴價而盡赦黑奴復爲平民此一千八百三十三年道光十三年事也是時英廷專務節省國帑而獨於償金赦奴一鉅款議員中無有阻之者蓋悉知此係英廷大有體面之事也

英之興織布廠也閱時未久弊端蜂起卽如幼稚之孩入廠作工勞瘁備至尤弊之甚者潮查英之富室歷來僱工操作一任其意之所欲爲官不過問然役使太苛人自裹足不前固無煩官之約束也獨至織廠一業需人孔多國家若不予以限制積弊必牢不可破況目前受病已深若再因循更不知伊於胡底於是英廷派員前往稽查并爲明定章程凡壯年之男子入廠工作與否仍從其便而於入廠之婦孺則一律官爲保護不使受廠主之凌虐一千八百三十三年道光十三年定律云凡

幼孩年九歲

即華人之稱爲十歲者餘仿此

以下者不准入廠上作十三歲以下者七日

之內除禮拜日只准入廠作工四十八點鐘

約一日不遇四足時

十八歲以下者

七日之內只准作工六十九點鐘

約一日得五時有奇

至一千八百四十三年

道光

二十三年以後重定嚴章云婦女并十八歲以下男孩於定章之後三年內

每日可作工十一點鐘三年以外只准作工十點鐘當時織廠中人皆

有怨言謂我國限定工作之候而他國皆否則我國出布必不如他國

之多生意必爲人奪可奈何又有人謂英國織廠之最多者莫如曼拙

忒城今竟嚴加約束恐曼拙忒必爲耶憂矣其意若曰織廠失利必將

停工織工既停必致餓死也不知此實英廷至善之政迫至立萬國通

商之法以來各織廠不但毫無敗象而且生意蓬蓬勃勃如釜上氣則

皆當日諸人意想之所不到者也

英國學校日久未遑整理昔人嘗譏之以爲國中生齒日繁公家並無
養民之新法民日益困何以紓之於是各路均有通達事理之人屢以
振興學校爲言而仍苦無善法且國中教士分爲監督會內監督會外
兩門公家若撥補助監督會以立學會外人眾必皆贊爲不公若助監
督會外之人會內人自恃爲公家所重而反無分必又贊爲不合英廷
事在兩難遂竟置諸腦後而民間則到處分立學塾以教其子弟屈計
一千八百十八年^{嘉慶二十三年}間英人十七名中僅有一人入塾讀書一千
八百三十三年^{道光十三年}間英人十一名中有一人入塾讀書至一千八
百五十一年^{咸豐元年}間則入塾讀書者八人中已占其一矣○於斯時也
各教會中人亦徧處分立學塾并別立禮拜日學塾俾貧苦子弟得乘
星期停工之暇入內讀書而不取其束脩之費考禮拜日之塾名曰勸

書塾自一千八百十八年嘉慶十三年為始每英人二十四名中勻計有一

人入塾一千八百三十三年道光三年九人中已有一人至一千八百五十

一年咸豐元年則亦八人中竟占其一矣○英廷既准議員各求其新以後

遂日求整飭學校之道其始規模尚小每年僅撥出英金二萬鎊之國

帑以助之凡監督會內人之書塾固得其伙助之益即監督會外人之

書塾亦復一體均霑然以區區之救助入塾讀書之稚子多至一百萬

名亦云鮮矣幸風氣已開行見蒸蒸日上一千八百三十九年道光十九年國

家撥給英金三萬鎊視前數為畧增議者遠侈然以為鉅款惟究未能

擴充學額故當時共推為學問淹博者居今以例彼則幾如未嘗學問

之人而議者又謂若使困苦之人全獲時雨之化恐難安分貪貧也持

論之謬至此○一千八百五十年道光三十年英廷益復以立教為急務故撥

出英金十八萬鎊以助一年學校之經費一千八百六十年咸豐十年以後
共年撥英金七十五萬鎊至一千八百七十年同治九年則幾增至一百萬
鎊無怪英人之學問駕於歐洲諸國之上也

英廷初改制度之際各處小民仍未許有自主之權故多有極大市集
而祇爲數富戶所共掌者又有明明一地方官吏而祇爲有權舉官之
數人所舉者若有凌夷之舊家本操舉官之權當議院或府縣官缺員
時不論人地之合宜與否但視賄賂之厚薄以爲官吏之用舍較之他
國納資於上而指捐官職者其流弊爲更大若人旣由重賄而得官一
旦身爲民上措置庶事自不能公正無私遂有剝民之脂膏以取償前
款兼用之以交結官紳俾得常保其祿位者甚至以善舉畱存之公款
亦設法婪入私囊隨時分贈有權舉官之家求舉己以入議院而彼有

權舉官者既受其餽勢難屏之而不舉至蘇格蘭一省之民政局董事
當任滿還董之時更可擅派私人以代已職民間疾首痛心久不甘服
及英京來新班中人入議院立意剷除此弊蘇格蘭民以爲我輩既有
舉官入議院之權豈有本地局董反不能舉之之理於是眾口一詞皆
謂蘇格蘭之弊亟宜速去英廷亦遂決計去之一千八百三十五年^{光緒}
^{十年}英廷重定新章大旨謂各處人民凡應納賦於朝廷者卽有公舉
董事之權蘇格蘭一省人如有舉人入議院之權者兼有舉董事入其
本處民政局之權從此積弊盡去如撥雲霧而見青天相沿以迄於今
英民俱蒙善政之澤者蓋皆由自行公舉能員始

當是時也英廷深以愛民爲心聞民間有大弊必慎擇賢員使之考察
然後定救之之法及聞民窮財盡之苦亦卽遴員往察旋據報稱向來

濟貧之法最多流弊貧民知公家必有以養之遂相率習於懶惰不肯盡心工作其弊一富戶所積之資皆從勤儉中來必欲奪其所有以濟懶惰者之所無其弊二此皆其顯見者也要之在上者料派富室共年費英金八百萬鎊合華銀三千二百萬兩以濟貧民糜帑於無用之地當猶小查

英人之稍知愛惜體面者遇公家施濟之時前此尙不甘領受今則計無復之亦共靦顏乞取則是喪廉寡恥害已大矣且更有甘爲乞丐者雖有工作之處可以餬口而業既惰有貧糧遂緣是以爲生計誰肯胼手胝足以博蠅頭則貪安廢業之害更大至於安分操工之輩所得工價不敷仰事俯畜之需爰有重到濟貧公所求補工價之所不足者工廠主人知之乃益減其工價謂若輩苟或不敷國家必有以補之也從此互相觀望互相希冀馴至操工者日少一日工價日減一日公家濟

貧之費日多一日此蓋非一人一家之故竟有一鄉一邑中人半領工價半食貧糧者又有數鄉落之農夫以其所售田中成熟之物積一年之勤苦仍不能及額定之貧糧而公家已謂其有田可耕遠裁其糧額遂相率不敢耕種極積重難返之勢甚至貧民之領受貧糧者不以爲公家之恩施格外也而以爲我輩之分所應得也故往往有一家夫婦官記其姓氏目之爲貧民乃其人由壯而老由病而死常爲貧民常領貧糧其子若女接掌家務仍爲貧民也仍領貧糧也安坐而食無所事事儻來之物例有常供此真諺所謂叫化三年懶做官矣況乎錢來既易浪擲而不知節省者亦有之其承辦大工程之廠主人等欲圖工價之廉則行賄於發給貧糧之小吏將其所僱之傭人募入貧民冊籍中借貧糧以補工價流弊至此則英廷之所謂濟貧者不過糜盡富家之



所有而已其於貧民蓋非曰救之適以害之也○英廷既閱報章即下議院會議或謂積弊太深必宜力矯之使歸於正遂有欲盡革濟貧之款務使貧民自食其力者然公家猶不忍也一千八百三十四年道光十四年重定新章云自今以後凡年方少壯者悉不許再領貧糧以免習於懶惰之病若實在無以自立則勸令遷入養貧局加以編管斷不許仍舊家食其力能工作之輩則不許以不能自立爲詞卽向日曾給貧糧者今亦一概裁革遂設立養貧局收養貧民著爲令於是英之貧民日進佳境工價亦漸增昂少壯之人皆有所事事皆能有以自養而公家濟貧之款十成中遂減去四成矣向之英民既食貧糧游手好閒更有飽煖思淫慾者今則勤勞終日晡睡終宵私胎漸少淫風漸息此皆新章既立之效也所惜者數年而後鑒下奉行不力公家雖立有養貧局其

入局者不過極貧之戶居九分之一耳其餘九分之八仍准在家開住而補給以口糧於是英民二十人中必有一人仍領貧糧蘇格蘭省則二十三人中占一人焉惟阿爾蘭省最苦之地則七十四人中占一人若合英倫及威利士兩省而計之每年尚賑濟貧英金七百萬鎊錢財固不足論而使清白良民之本不應受此錢者亦受此錢遂顯其失去體面之實據益不肯自食其力自養其妻孥則於風俗人心之故憂未艾也

英人既有舉官之權若不知國事何能措理若不觀新聞紙何能知國事則新聞紙者誠民間所不可少者也當一千八百三十六年道光六年之際各新聞紙館出報一卷公家必收英金四辨尼合華錢八十餘文之稅小民衣食所需豈有閒錢以購閱故力能閱報者通國不過三十萬人各館一

年所售之報不過三千六百萬卷

按當時英報大約每禮拜出一卷

英民之欲閱報者皆

不悅英廷之科重稅不但不悅於心已也而且有滋爲弊竇私自購閱

者遂致報雖見多發反見少大吏既察知其弊矣於是求新班中各官

議欲減收報稅計每卷由英金四辨尼減至一辨尼

合華錢二十餘文

守舊班

中各官議曰今若減收報稅必有下流不肖之徒造作無稽調語亦謬

充爲新聞紙者於世道大有干係吾等知架啡館

卽如中國之茶館蓋西人多飲架啡茶也

有各報人往閱視不取其資小民既欲閱報何不就之乎且吾等又知

今日民間求價之賤者非新聞紙也胰皂也若許減胰皂之稅則小民

共得潔其衣服而病可日少若賤價以售新聞紙則於民何益之有求

新班各官不聽爭辨日久遂定減稅新章報館亦遂如林立至印報所

需之字本亦有稅更盡除之報館愈盛

英之郵政局向歸官辦不准民間私設而取價甚昂但以英京寄信至

北來香港口而論每封需英金八辨尼

約中國制錢一百六十文

然不過相去華程一

百五十餘里耳若寄信至外省每封須納英金十六辨尼於是儉約之

家固不能常通魚鴈其貿易中人之必須通信者亦各簡之又簡滑鐵

盧大戰以後二十年英民生齒日繁貿易亦日盛而民間既嫌信資之

貴郵政局入款亦復未見增多有人言若能減去信資則郵政局當有

起色眾初未之信也不知是時英民之寄信者往往私相授受又以官

吏往還之文牘例不取資遂有交結官場者以其函札雜入官文書中

職是之故郵政局雖占利藪之名而所入終寥寥無幾一千八百三十

七年


道光十七年

英人有羅蘭希利者出一奇法其大畧謂公家先製小票

售諸民間每票取英金一辨尼

約合中國制錢二十文

每信一封約計路之遠近酌



定一極廉之價即取此票粘於信面少或一張多或數張送至郵政局
即爲代寄云云郵政局諸員聞之俱以爲不便英相披利亦以爲不便
而徧國之民眾口一詞皆望此法即日舉行議院乃議派數幹員分道
查察一千八百三十九年道光十英廷批准照羅蘭希利之法以行郵
政舉國大便直至於今相沿不改既而泰西諸國亦皆仿照辦理所獲
之益不勝僂指即以英國而論郵政局用舊法之時勻計一年之內一
人僅寄信四封改新法而後積至一千八百七十五年光緒元年勻計一年
之內一人寄信至三十三封另有不加封套之信片每紙僅收半價者
是年共有一千兆紙之多又有新聞紙及書籍等共有二百五十九兆
封之多一年共收英金五百五十萬鎊合華銀二千二百萬兩除局費一切以外一
年共獲英金一百八十萬鎊合華銀七百二十萬兩誠哉公私交便也

英廷之將改制度也先派幹員分道編查積弊查有各礦公司僱用婦女孩童深入地窟挖取礦子之事其受苦情形不忍卒述一千八百四十三年道光二十三年頒行定律凡婦女及十歲即華人所謂十一歲以下孩童從今以後概不准再入礦井即童子之年過十足歲者亦每日限定若干時刻過則有罰又另設監察礦務官准其任便抽查務使礦主不敢再犯此亦惠政之一端

英廷未改制度以前之數十年人皆歎刑法之過於嚴峻而公家終不許輕議改章猶幸早定陪審人員之例遇有刑案之關乎出入者必延陪訊人十二員而又取其同類之人俾均知其中之情偽故假如貿易者有罪則延市井中人陪訊耕種者有罪則延畝中人陪訊餘皆以此類推且刑章雖重陪訊八員皆可畧為變通查英之舊律竊取店肆

中財物計贓滿英金五先令

約公畢二兩

竊取居家及船隻中財物計贓滿英

金二鎊

合華銀八兩

皆科以死罪於是陪訊人員開原告供值銀若干云云

必伴作不信狀謂汝區區微物斷不值英金五先令或二鎊乃欲緣此

絕人之命乎職此之故即有竊取貴重之物者亦皆謂不值五先令或

二鎊止訊官無如之何往往改從輕律是以律雖至嚴極重既有陪訊

之善法年中因竊物而就誅者竟絕無而僅有矣○一千八百八年

年十三英有大吏曰羅米禮德行學問兼擅其長憫刑法之暴虐而上下

不免欺蒙也以爲我英既立陪訊人員之例見有罹刑之太可憐者往

往改比輕律但律文有定改比無憑凡犯小事而傳重律者究所不免

因厭議於下議院酌減刑律前後十年苦心孤詣羅米禮云英

之物計值英金五鎊陪訊人員請減值二十九先令耳不滿一鎊遂免其死蓋以英

律過嚴往往以此法救人也此可謂維持人命之一法又有一人竊而時之者一與

網或有緣是致命者實屬酷虐已極今則命拆其籠從此乞丐之徒不致宛轉就死矣又如竊人財物者舊律如上文云云必科死罪今則初犯概予不死惟再犯則仍從舊律論以上數條蓋皆一千八百二十年嘉慶二十五年至三十二年道光十年所陸續刪減者也○英之諸弊惟嚴刑之改爲最遲且亦最微英人哀之自一千八百三十二年道光十年以後又查舊律搶奪人牛羊者死罪議院先欲改輕而農家不願故日久始改從生罪又如假冒人姓名簽字收銀者亦死罪今亦改從輕典良以輕刑一說上下議院皆大不願故僅改此數端餘仍如故也此蓋改制度後第一次名爲省刑者也既而國家議論又歷多年畧改數項名爲第二次省刑直至第三次始實蠲死罪多條亦可謂其輕其慎矣查前有罪犯已經絞決而復梟其首者又有處決後懸其屍於鐵索以示衆者

則一千八百三十四年道光十四年始除之蘇格蘭省本准他人向陪訊人員前代罪犯聲明委屈而他處則一概不准一千八百三十六年道光十六年始一律准其代訴以免銜冤負屈之苦舊律斷定罪犯罪名之後三日即須親赴法場照律處決其第二日祇以餅乾及涼水以果該犯之腹一應親友悉不准與之相見至是年亦改之謂人已將死豈宜再加苛待也一千八百三十七年道光十七年再改刑律凡前之死罪多條者今僅刪存七條爰溯一千八百三十四年道光十四年分徧國中定死罪者多至四百八十名發配終身者八百九十四名至一千八百三十八年道光十八年分定死罪者僅一百十六名發配終身者二百六十六名即此可見省刑之效況此後又曾取刑律畧改一次英民更受其惠矣

自往古以迄來今柔弱之人每爲強壯者所苦貧賤之人每爲豪富者

所害苦之害之之既甚有妄遣役使者矣是以公家定律恒多注意於此然律文有定民幻無窮偶一不慎彼畸輕畸重之間即有偏於薄待偏於厚待者則辨之不早辨也英國同例同一物也若欲售之於他國必設法使從賤價若欲購他國之物必設法使昂其值積之既久本國之物不敢出口他國之物無人顧問蓋但知專保一業不知兼保萬民也是以富者益富貧者益貧且但知專保本國不知兼保列邦也亦豈得謂之公允豈得謂之和睦英國如此他國亦復如此一千七百七十六年乾隆四十年英國蘇格蘭省之愛斯哥海口有堂教大書院之山長姓師米得名雅堂者特創一書名曰富國策家拉戶誦名震一時甚至他國文字與英有異者亦復徧加繙譯其創議策中有警句云民間通用之物公家忽設一法使之騰貴謂特以保本國之業此真愚之又愚者

也保一業實害萬民也此書既出於是昔之人但知加稅之法之善者
今之人又知免稅之法之善彼此新論各執一理英相曾特細讀數過
拍案叫絕謂此書真暗室之燈迷津之筏於是獨居深念竟欲查照此
策盡改舊例惜乎良法得矣行法之人亦在位矣而機緣相左未行萬
國通商之政已起兩邦構衅之師英法違言戰書疊報譬特宰相惟有
日夜焦勞於調兵籌餉兩端餘事豈遑計及迨至法難已紆譬相已去
繼其任者皆不知富國之新法卽有能設富國策者亦仍尋常視之於
是悉照舊章保業而已於保民之道則茫然也保本國而已於他國之
肥瘠漠然無動於心也弊愈積而愈深廓清而掃盪之者未知何日矣
○昔英廷之所保者如富有田產之地主如千倉萬箱之農人如浮家
泛宅之船戶皆以朝廷優待爲泰山之靠紛紛然黷貨無厭於百姓之

困苦毫不相關惟織造諸廠及貿易中人雖受朝廷保業之益而物價騰貴民財匱乏遲之又久幾於無人顧問貿易遂不能流通爰有市井中明埤之子相與私議即昌言於衆曰貿易愈廣民愈有益不在索價之貴牟利之厚也否則高其聲價而滯其銷路彼此皆何益之有語聞於議院雖鮮有代爲陳說者而頗有首肯之人一千八百二十年^{人上二}_{十五年}英京商務局又呈公稟於議院大旨係請除收稅保業之法蠲免稅項公家毫無阻闕以期商務流通旋又邀集各業中人同赴商務局主席者陳說利害至再至三然數大業之久受國家保護者無不竭力阻撓其議遽寢蓋時尙未至非口舌之功所能爭勝也○一千八百二十三年^{道光三}_{四年}間英有賀起生者極誠盡摯專務於通商之道人始漸知其理○一千八百三十六年^{道光十}_{六年}英國大饑連二三年未已民情更

固皆憶及十餘年前曾有人言民困之大想不在天降之灾而在國保
之業我儕小民今至貧無立錫而家國家之保護者則更富埒王侯不
知朝廷何仇於我儕而爲是不公之政也於是紛紜議論無非指斥英
廷矣○一千八百三十八年道光十八年曼拙志城人共立一會名曰賤食
會從此四處風行皆決計欲請英廷刪除舊法而向者專欲保護地主
之一流人亦怦然心動思籌良策俾通國人皆沾實惠矣○賤食會之
領袖者曰鼓不登姿質本甚聰明其心又專以救人爲主而士之請道
德者或藐視之謂其孳孳於利將流爲卑鄙之小人也噫爲此言者何
不明於當時之情勢乎夫世人皆處於貧窘之鄉而聒而與之空談道
德試問於人何補於己更何補若真能以言語救人之貧則道德可收
實效高於空言無補者多矣且鼓不登亦豈非道德中人哉當其少時

常思我既爲人一生當從何處着力俾無負天之生我初欲專心於振興學校一門既而喟然曰民窮財盡至今日而極矣夫礼義生於富足家無隔宿之糧而能安貧樂道者舉世能有幾人則學校非急務也況民之貧非皆由自致也國家立法之不善致之也貧寒日益甚廉恥日益喪頹風惡本自然相繼而生故欲正風俗必先厚民生民生各安於飽煖風俗自進於敦龐其生平持論如此及是賤食會公推爲領袖亦遂毅然不辭其時英宰相披利亦持此議謂欲民俗之敦厚必先使極貧之人易而不貧苟或不然則良法美意縱有百端均歸無用鼓不登又云從前各國定律皆祇顧本國不顧他國故於他國貨物之入我國境者必加重稅使人聞風莫不殊不知我既如此他國必尤而效之我國之貨苟欲運往他國他國亦必加重稅以相報復是猶鄉鄰之不相往

來也矣其可者且民既貧困卽不知情理爲何物尤不知和睦爲可貴
遂有以偷漏稅項而起衅者變成國家之禍嗚呼可不懼哉聞者皆慙
之於是鼓不登益力持此議事本萬國通商以爲救民之大關鍵且謂
如此則不但救一國也各國亦隨而獲益也既而又以孤立無助爲慮
徧訪同志得鉢欄脫與之締交請爲協辦鉢欄脫亦聰明而有德者且
與鼓不登皆大著名於時彼此同心合力草野嗚嗚望治矣○賤食會
旣立之後會中人士煞費苦心務欲合全國之官紳士庶皆知通商一
事與養民之法大有關係於是貿易中人先共感動願釀金以供會中
之費用會中有人有所藉手益復籌畫立說刊板印行在下者旣知所從
事矣其在議院中者有鼓不登鉢欄脫二人屢次宣講通商之益其立
議以爲凡欲禁止通商者如使人權舟於山澗中適有飛瀑下注尙可

活潑潑地倘使泉源偶涸直將坐困枯魚若能各國通商則如使人揚
帆大海無論旱乾日久終無涸轍之虞故有國而不通商是困民也通
商愈廣民之獲益愈多況我英連值奇荒苟不通商豈非授其權於天
乎夫水旱之災國所常有有稍歉之物卽有倍貴之價民何以堪若既
通商則他國之豐者可補我之歉又何有珠柱之憂哉鼓不登鉢擱脫
旣在議院中開明其理又徧遣同志之人分赴各府州縣大聲疾呼曾
幾何時徧國皆急盼通商之政矣○一千八百四十二年道光二十二年議院
諸員亦覺加重稅於進口貨之例終不免於困民於是領袖守舊班之
宰相披利通關進口貨稅章中有應全行免稅者有應酌減重稅者凡
刪改七百五十類惟他國進口之糧食應納稅項未許全免且七百五
十類之外尚有仍科重稅者賤食會中人曰通商免稅之法旣知有益

於民何害留此糧秣以爲民害遂依然議論紛紛務求一律減免俾小民全沾閭澤而後即安

一千八百四十五年

道光二十五年

阿爾蘭省山蕭歉收且淫霖不止諸種全爛

英倫及蘇格蘭二省歲亦不登未能收挹彼注茲之效宰相披利知阿爾蘭省人無以爲食而進口之糧食仍科重稅怒大不安於心卽集守舊班諸員而與之議曰民困至此若率舊章曷善其後故請諸君議之守舊班皆不允刪改披利復曰然則暫改之而終復之也何如守舊班曰一改之後豈能再復此議斷不可行披利仍力勸之且曰若將進口糧食之稅全行蠲免災民必有轉機諸君慮一蠲之後永難復稅似也然鄙意以爲亦屬無妨以其有益於民也守舊班終不聽披利無可如何循例上表辭職英廷亦循例許之及至廷推繼相之人竟無有一人

敢拜命者蓋知披利所定之意事在必成也遷延日久求新守舊兩班

人詢謀僉同共惠披利仍為宰相披利既受命凡向日政府諸人員有

狃於守舊而梗除稅之議者一概不予延納其例凡人欲入相其僚佐皆由自辟遂於一千

八百四十六年道光二十六年正月十九日大會議員重申前議凡他國運入英

國之糧食無論經過何關一概免稅放行當時守舊班中一少年挺身

而出視之則誦息也誦息於數十年後曾為宰相高談雄辨滔滔不窮其命意之所在

無非欲率由舊章仍利糧稅而已披利以既有此議不得不行投簡二

法其法一事之介於兩司而兩司人各有所執者則立是否兩及傾筒細檢則

以免稅為是者三百二十七人以為否者二百一十九人則下議院已

可准行矣旋申請於上議院上議院費紳大半多田足舉之為心大不

願謂若准外糧免稅則糧價必賤無窮糧價必賤何以牟利乎時惠靈

各將軍尙在上議院見下議院所請其議見超出諸貴紳之上因語於衆曰天災流行餓夫載道下議院此議專欲登斯民於衽席吾輩奈何阻之諸貴紳皆不得已而曰諾內有一人尙欲有言惠靈吞曰老夫亦有憐因此事豈所素願但事已至此實屬不得不從耳遂許之○守舊班中諸員見披利復相而後竟敢毅然決然剷除根柢心皆憤懣然其別有所議之際無論事之可行與否一概加以駁斥且諸議員亦無有爲其左袒者按照英例披利又不得自行告退而富臨別贈言之際曾宣言曰諸君在議院中有財有勢使鄙人不得安於其位蓋無非視鄙人之行事爲不令於理耳鄙人之所望者今日獲救之貧民能常倉此賸餘之糧必皆謂鄙人爲救時之良相運念從前備受委屈之苦一旦如釋重負則民之愛鄙人者勝於諸君之見愛多多矣○守舊班諸

人之復舉披利為宰相也，以為彼當旋蹶旋起之時，萬不敢竟收舊章，使五輩頓失從前之利數，不料披利竟與求新班諸人如一鼻孔出氣，首請豁免糧稅，守舊班遂切齒腐心，視披利如反叛之罪人，永遠不肯曲恕。披利則曰：吾英吉利一國之宰相，非守舊班諸人之宰相也。一國之所求者何事？則一人之所應者即何事也。夫使此事而求之者少，不求之者多，吾誠何樂而為此？今則幾於眾口一詞矣。吾何敢拂民之大欲哉？聞者歎為知言。

○一千八百四十六年道光二十六年英國貿易總數，總值英金一百三十四兆鎊耳。約合華銀五萬三千六百萬兩至一千八百七十六年光緒二年增至英金六百五十五兆鎊，其大有造於英人者，眾莫不知。故雖當時之英官，仇視披利，竟不許復登朝，新而英民則無有不感激涕零者。

英國向例，科進口糧食以重稅實為保業中扼要之端。及至下令豁免

他國之得源而至業田之家無自居寄遂以保業之私心易而爲保
民之公法善故政平況乎此弊既除各業稅遂順流而下查一千八百
四十二年道光二年英國稅則計科他國進口貨物之稅尙多至一千二
百類比閱數年次第刪除所尙需徵稅者不過十二類耳一國之人悉
沾利益視向之專保一業者不啻天壤之殊至十二類之所以未免者
則緣度支有必需之款也從前物價之貴賤恒視國家徵稅之輕重以
爲衡免稅以後則貴賤關乎豐歉如食物一類今年多黍多稌自然
價值漸落明年無禾無麥自然價值漸增然苟進口者多則年雖凶而
仍混斗米千錢之歎進口者少則歲雖稔而終有太倉匱乏之虞推之
諸物莫不皆然然諸稅既免向之事恃一業以冀龍斷者頓皆失其所
恃即如業田一類外糧既免納稅不特所收租穀不能遇糴以使之期

貴且穀賤而農民無以居奇佃田之值亦因之而日賤鄧氏銅山郭家
金穴漸有山傾穴破之憂雖日謀升斗以爲活者則皆鼓腹含哺永無
菜色所謂一家哭何如一路哭也其尙能受國家之保護者厥有兩業
焉一日船隻一千六百五十一年^{順治八年}和蘭國出洋商船寔盛英國乃
定一章程不准他國之船來載本國之貨後有某名人謂此律必須刪
改以廣貿易直至一千八百二十三年^{道光三年}英廷始允議行然僅能畧
改而不能全去者蓋謂他國若不禁英船往載其貨英始可不禁其船
載英之貨也若富國策之師米得姓雅堂名論各種富國之事皆明白
曉暢說理圓透惟於此事僅舉其偏而未會其全故極稱不許他國之
船運載我國之物實爲妙策而不知此亦啟衅之一端也交鄰而不準
以公心豈能彼此相安哉○凡業船之船戶皆謂國家不設法以保其

業即不能營生理船戶不能營生理即無以養水手水手無所養而改其業萬一與他國失和即無以橫行於海國此說似也及至英廷易保業爲保民之際英人皆謂國家於船戶一業獨加保護而不問民間之受害與否尙未洽於保民之道一千八百四十九年道光二十九年英廷體察民情亦命刪除舊例英民更喜查是年英之船隻運載各貨物合計僅重英權四百九十萬墩一千六百八十八萬一千六百八十八墩逾二十五年至一千八百七十四年同治十年增至六百萬墩船中水手共二十五萬人可見向之所藉口者所謂但知其一不知其二也而孰知改律者之非徒無害而又大有以利之哉

英廷於保護船隻而外又保一業者何糖斤昇也查英國於中非洲有屬地數處總名之曰西印度英國進口之糖凡自西印度來者應科稅

則輕於他國進口者數倍。問其故曰：保西印度之糖業也。西印度之糖業，何以保曰：彼處所買之黑奴，公家已贖而釋之矣。奴釋而工少，工少而價貴，若再減收他國糖稅，俾與西印度相等，西印度人不將轉託他國重至非洲私買黑奴乎？其時西印度貿易中人皆執此說。然英廷不信也。謂非工人之不敷也，亦非工價之將貴也，但其製糖之法未能精益求精耳。一千八百四十六年^{道光二十六年}，請稅幾於盡免。之後重定章程，略謂：自此以後，再遇五年，無論何處糖斤運進英國口岸，應收稅項盡歸一律，不使畸輕畸重云云。蓋欲西印度乘此五年之暇，自行整頓其糖業，以免虧耗之虞也。○英廷之將代贖黑奴也，西印度商人皆言：從今以後，我輩世守之業必皆敗壞，乃既贖黑奴，使爲平民貿易，初無衰象，人皆喜出望外。今英廷更欲使糖稅同於他國，西印度商人又言：今

則必致召業矣。愁歎之聲，紛紜盈耳。附近古巴之渣墨嘉海島，與西印度之第一要道，當改章令下之際，首先梗阻。蓋渣墨嘉各島地畝大半皆英人所購取，其地主皆安居英國而專派一人至島代收租諸事。各地主又以十成中九成之地向人典押銀錢，所得典價有反責於購地之價者。土人耕種之法又未盡善，得地者本已憂其折耗。及聞英廷改章之令，將使他國進口糖稅與西印度一體減收，即謂我輩從今以後萬難再有豐亨豫大之日矣。英廷雖聞之而仍毅然行之。及至糖稅改定，果不出各地主之所料。向之出產阡陌者，先後紛紛中落。其工人之不敷於用，亦與向所憂者相合。至蒙恩贖出之黑奴，既得小地一區，其初所產之物幾於取不盡而用不竭，即以初頭所結果實而論，不必有灌漑耘耔之勤，已足供其食用。沃土之民不材，古有明訓。況

奴本至愚極蠢之輩，遂相率習於嬾惰，向之尚可敷衍者，不數年而貧無聊賴矣。又前者檳榔嶼島每年發出貨物計值英金三百萬鎊左右，稅章既改驟減至一百萬鎊，其運出之糖較之未贖黑奴以前僅存五分之一。惟胡椒一物則日漸增多，蓋胡椒樹不勞人種，孳落於地旋結成樹，全島盡爲胡椒所佔，則彌望荒蕪之景可想見矣。○檳榔嶼島水土之佳，他國均無與比，並而所出之糖則反遜於他國。今既日見衰耗，英人有責備朝廷以辦理不善者，明理之士則曰：此非英廷之誤也。英廷雖遲料及此，而緣欲保一業之故，或改而銀保衆業，則兆民無不受虧，豈所語於保民之善政乎？○若論西印度之他島，則與檳榔嶼迥異，凡富有資本之富戶，既無須典押田畝，又能督率農人善於耕作，故雖受虧於初改稅章之日，後仍逐漸恢復。況田間所出之物較諸昔日益

是增多黑奴亦漸受教化深知耕稼之勤勞愈於懶惰之貧苦故煙稅雖不蒙優待之惠生理仍蒸蒸日上生齒亦日漸繁庶其他諸事亦無不各有起色

英廷既改保業舊法之後織造廠主與貿易場中類皆受益不淺而百工之獲益更有深於織造廠主及貿易場中者考英國今王維多利亞未即位以前各物無不納稅百工皆困今王即位以後百工日用必需之物幾無有仍行徵稅者惟華美之衣服精潔之飲饌公家始科以稅故百工若效奢靡則納稅於公家也由其所自取也英國前與法國大戰之時有人通盤核算云凡工人一名每年一年中食用諸物需納國稅英金十一鎊卽如一織布匠耳有時國家因保業之故其終年辛苦所入之資一半竟充國課豈不登於戰務既息之後三十年亦曾通盤核

算謂百工日用諸物無不有稅。假如物價值英金八鎊。即尋常市價而購之者需英金十鎊。其二鎊即國家所徵之稅也。此猶其最輕者也。其最重者甚至值金二鎊之物購之之價亦需十鎊。則徵入鎊之稅矣。故茶葉一種百工以金十鎊購之而不知其中五鎊全係國家徵入之稅。糖則英金十鎊之中有國家徵入三鎊之稅。在焉。架啡英金十鎊之中有國稅四鎊。在焉。腴卑價金十鎊之中有國稅二鎊。十先令在焉。黃酒價十鎊之中有國稅二鎊。在焉。早鹽價十鎊之中有國稅八鎊。在焉。燒酒價十鎊之中有國稅七鎊。在焉。至麪與肉二物爲果腹之所必需而國家之意欲保農人及牧夫之貿易使無折耗之憂故亦無下有稅。年中英民所納於國家者多至不可勝算。究其實則無非害盡全國之生靈而已。及至國家改絃更張而後百工日用所需之物全不納稅。今距鼓

不登核算之期，又將四十年矣。所有當時抽稅不公之法，繩除淨盡，計

英國公家一年度支之所出，共英金九千萬鎊。按下文又謂作清七千萬鎊云云，此蓋與其餘數目之數耳。

而其度支之所入，則有煙酒稅項英金四千二百萬鎊。蓋謂此非私人

日用之所必需，彼酣酒及嗜煙者，隱隱科取其重稅，而不為苛也。又有

茶稅英金四百五十萬鎊。茶之為物，亦非得之則生，不得則死者，故亦

畧科以稅其餘。有亦應徵稅者，則大半皆富戶所納，如田之稅賦也。大

小各契據之過戶費也，皆取之而不為虐。彼百工人等，但能終身不飲

酒，不吸煙，即永無納重稅於公家之日。其所納者，僅存茶稅而已。茶葉

雖民間亦必需，而以每年每口總計之，不過英金三先令。台中國制錢八、九百文。分

之於每一禮拜，不滿英金一辨尼。約台華錢十餘文。尙屬輕而易舉。於是數百年

之積蓄，遂於數十年之中，一概掃除淨盡。論者謂異時英國即有開

心民瘼之大吏相繼而起再欲加惠於民生以成不朽之偉業奈百分之積弊已去九十餘分僅存數分雖盡去之民亦無有沒齒不忘者矣惟鄙意以爲若使求全責備則英國尙有未能盡善盡美之事五端請得而進計之

一曰地畝我英國之地大半皆巨富家之世業小民佃而耕之者也試爲分而計之全國地十分之五爲業主者大約不過一千人若以十分之八而論爲業主者亦不過五六千人耕田之夫集富室之門求佃其田以糊口富室則安居樂業得操進退之權偶或忤之幾至無田可種及觀他國則大半皆民有恒產有恒產始有恒心故辟邪侈之事以有願繼而不敢爲政之最善者莫大乎是故如與英最近之法國爲地主者約有八百萬人較之英國不將相去天淵哉然而

英地之所以盡歸富室者非不期然而然也其中厥有故焉英國舊例子孫不准售賣祖父所遺之地於是極富之家遠自高曾祖考歷代購入之地畝世世相傳其年中所支用者皆地租也而尤慮有不肖之子弟也父死傳子子死傳孫所有田地盡歸長子執掌而分其租金於餘子從此貧苦小民雖幸積有餘資無從購尺地以爲世業而爲富室者以地畝一經購定永遠不准出售深恐以活金變死產故雖知他處尚有荒地亦皆不樂再購卽有欲購之者非嫌地畝之畸零卽苦國家過戶之重稅往往垂成而中止至於佃田耕種之農夫則皆曰地本非我所有今歲偶種此地安保明年仍歸我種遂不肯盡心出力以求其肥沃愚以爲積而久之必有不堪聞問者乃富室之意則不然以爲佃戶耕田之所獲反多於自英其恒產卽如蘇

格蘭一省爲佃戶者最多而其秋收之際每耕田一畝約可收英量之麥等類三十四斗英國他省地或有爲農夫之世業者每英田一畝僅收英量二十九斗法國農民自業之田更多統計每英田一畝且僅收英量十六斗故蘇格蘭收穫之多於他省及他國者皆佃田之效也愚謂此亦知其一而未知其二也德國烏吞柏地方之農戶幾於人各有田其所收穫者何以更多於蘇格蘭省及英之他省地乎英人之地雖買難賣積重而不能返吾恐害民日甚必有不肯甘心者誠英國後來之大事也況乎美國及坎拿大一境無主之荒地多不勝收假使有人羣往耕之則異日美洲之糧食運售於英國其價必將反賤於英糧英廷不乘是時速收舊地之舊章而欲其長治久安也是則鄙人之所未敢逆料者也

二曰酒英國本境區區三島地耳而人皆耽於翹藥年中杖頭之費多成英金一百二十兆鎊少亦一百兆餘鎊合華銀約四萬萬兩此中三分之一係國家所科之重稅及釀酒沽酒者之所牟利其在豐衣足食之家自尋醉中樂境於事尙無大害而食貧力作之子亦於此糜去巨金恐非藏富於民之道也而況沈湎不已於人之體質但有大損而絕無微益英政之所關係者大矣英國好善諸子創爲戒酒會者已有年所且遣人四出勸諭冀各止飲以杜禍根而從之者甚鮮日復一日迄今仍無善法鄙意若竟由公家諭禁或可收事半功倍之效三曰工從前受苦之人無從申訴謂國之大權全在富紳也既改制度以後百工皆許自陳其理於是富室與向日受苦之輩往往不能輯睦英廷至今亦無善法以處之僑有工人圖增工值而其僱主不

願也工人乃相率停工以爲要挾僱主雖有絕佳之機器不免暫成廢物迨相持日久不得不曲從工人之請亦有僱工終不願增且更欲減其工值者百工停工以要挾僱主卽閉廠以停止當此之時百工卽欲求向之賤值而不可得不免餬口爲難愚謂此皆以勢力相迫脅豈得謂爲公允而且諸務皆緣之而受大害不幾如昔年各國之迭爭雄長乎深冀後起諸富紳與諸工人皆洞諳此事之有損而無益彼此定一永遠相安之法則大幸

四曰國用英廷度支所出年需英金七千萬鎊

合華銀二萬八千萬兩

此萬國公

法至今未能盡善之弊也若使萬國成立盡善之公法彼此共敦睦誼若兄弟之往來則英國豈須糜此多金以自保乎查英國負債總額每年需付息金實爲出款之一大宗其誤蓋由於先代而先代之

所以誤者無非用兵之耗費耳。又有明知今世之誤而終不能籌
省之方者，亦無非藉兵力以壯聲威耳。故前債之未還，又從而增益
之，即以近事而論，今年即一千八百八十六年之例所應給者，較之八年前更
增英金一千萬鎊。所幸民皆饒裕，尙不覺其受大累，而反覺年盛月
興耳。然弊之所至，終伏禍根，靜言思之，不亦大可懼哉！

五曰歧視城鄉人。英人之居於城市者，其延待之與鄉里人迥不相
同。故城市中人已擅舉官之權，鄉里中人雖當年一體輸租納賦，而
無權可舉一官。同一民也，乃英廷歧視至此，保無有起而爲難者乎？
改絃而更張之，是所望於通達事理者。

以上五端皆鄙見之所及，苟國家乘閒暇之時，一一善爲處置，鄙
人當拭目而觀德化之成。

泰西新史摘要卷之六下

英國
李提摩太譯

上海蔡爾康芝級述稿

英除積弊二

民間所舉之新官既入議院民隱無不上達英國舊律之有大弊者咸予漸除且雷厲風行至為神速此後四十年中次第刪改諸事不過流弊之次焉者耳末焉者耳於是檢其丁口冊籍知民間衛生之法亦已遠過前人考一千七百十年^{康熙四十九年}勾計英國每三十六人中每年必死一人一千八百十年^{嘉慶五年}勾計每四十八人中死一人一千八百十年^{嘉慶十五年}五十一人中死一人一千八百十年至一千八百三十年^{道光五年}五十四人中死一人蓋緣昔年英國不知潔治道途之法往往停溝壑潦居其旁者咸受穢氣發為瘧疾年中致死甚多及既改制度也穢水

皆有所宜洩矣。昔者英人多患痘證，歲死百人中，痘死者約居其九。既而名醫柳耐創爲種治牛痘之法，痘證之大害除矣。昔者英民貧賤，居處飲食亦皆不潔，今則房舍高爽，粟肉精肥，病者且不恒見。況乎其死，惟名城巨鎮，繼長增高，地密人稠，穢氣臭水，容有難免。其發爲痘證者，一經傳染，仍多受害。一千八百四十二年，道光二年英廷又派員專查之，因舉一切足以致疾之污穢，輯錄成書，徧示民間。英民向皆苦於不知耳。今見書中所載，謂英人所食之水中含毒氣甚多，貧民男女老少同住一房，不特淫亂之風由茲而漸長，且炭氣亦日蓄而日多。其房屋之過隘者，屋外街衢必狹，清氣何以流通？穢水何以疏洩？至利物浦海口，曼拙武城皆大市集也，居民每八家中約必有一家，天光不能徧透，地形且極卑濕，而其城中又多墳墓，積死之氣暗漬入土井水，亦沾屍氣。

故通計國中有貧苦之孀婦四萬三千口荷其早得衛生之善法則其夫雖至今存可也且其夫既死無以養其妻公家例給貧婦口糧又不免多所糜費因溯歷年戰事孔殷之際英國傷亡之兵士反少於此日沾染穢水毒氣而死之民人公家苟能再設善法則病夫可減其半矣又查倫敦都會中凡紳士之家均勻合計大約年不過四十四歲多已名登鬼錄至勞苦力作之輩通計存年都不過二十二止若輩苟能卻疾則雖壽至七旬亦非難事今因公家不善處置之故僅令在世三分之一其可慘孰甚於此本委員可一言以決之曰公家能設善法以衛民生則每年之獲救者不下三四萬人書中大畧如此英民讀之無不驚惶失措○當是時也英人正朝夕請貫求免糧稅一節於徭病延年之說尚未遑兼顧也及至糧稅已免卽紛紛進而求之冀速除致病之

源以葆其天年。查歐洲舊例、人死必葬之於禮拜堂左右、非如華人之各有墳塋也。禮拜堂左右皆爲叢葬之公地、惟一家之人可同葬於一隅、不使外人躡入其始。禮拜堂附近並無居人、於事未爲不可及。貿易寢盛市肆、寢廡墳園之旁皆築房舍、又與井以資汲飲、彼鄰墳較近之井一遇大雨時行、墳中積水且濬必流入井中、井水卽沾屍毒爲患實非淺鮮。因公議另闢郊外荒地以爲葬所、卽昔之已葬城中者亦各掘起其棺改葬郊外。迄今郊外墳園修築彌佳、又常有人爲之守護、以免發塚之虞、而病者則緣是而絕少矣。○昔者英人隨路傾倒穢水、不問其能流出否也、今則各城市俱於地下砌成陰溝、穢水皆可流出、又設一法務使名戶居民俱飲潔清之水、而其房屋之大破壞者逼令拆去、之而由公家別築精舍使之棲止、英廷又於各部院之外別立一部、名

曰防痼習曾不數年疫氣漸消同登壽域矣○草野無識小民間英廷
准入另舉官員或更易宰執大臣及其同心合意之諸僚屬即互相傳
說一若天下事無有大於此者又聞遠方有某某士酋效蠻觸之相爭
又聞某處殺斃一人亦皆視為緊急之公事豆棚閒話時或爲之咨嗟
太息或爲之欣慕豔羨而於遷墳墓開水溝飲潔水通清氣居淨室爲
人生絕大關係之所在反夢夢焉殊可笑也有人於一切更章除弊之
後復爲計英人生死之數因知一千八百三十七年道光十七年每一萬人
中一年尙死二百四十七人至一千八百八十六年光緒十二年每一萬人
中一年僅死二百人又考近年歐洲病死之總數舍瑞典丹墨兩國而
外惟英國爲最少即論與英最近之法國每萬人中常年亦須死至二
百一十七人恒加利又名馬加一地每年一萬人中死三百七十二人奧地

利阿國

亦曰奧

每萬人中年死二百九十四人意大利國每萬人年死

二百八十七人普魯士國每萬人年死二百五十四人○若以千慮一

失而論從前受病之源雖已盡去而尚有美中不足者英國各城及各

大市鎮之小孩往往年至五歲爲一生死關頭總計十孩中僅存其五

尚能於育嬰之法益加美備則小孩之夭折者亦可漸見其少矣

歐洲教化之途總爲三類一曰天主教一曰希臘教一曰耶穌教歐南

之民大半遵奉天主歐洲西北之民大半嚮向耶穌而其東方一帶則

恪守希臘教者爲多三教者同源而異流各分門戶者也至於英國之

人則大半從耶穌一門乃一門之中又分爲兩大教會一曰官會即監

其初創時凡禮拜堂及教士之住宅皆官爲給帑修築遂若奉憲頒行

也者竟以官令自居一曰民會則皆民間釀金而崇奉之者當其延更

易制度之際民會人既繁盛通達事理者悉出其中且更有才全德備之士爲衆人所屬望徒以民與官不相敵往往爲官官所欺壓民會中人則又以官會中所訂教規有與真經之旨不盡符者遂各自立教會如水火之不相入更絕跡不至官會堂行受教禮官會固不能強然猶利歛其錢以資官會之費至民會中人之婚娶者又必勸令入官會堂照例簽名不可確證其爲夫婦民會人死欲葬於官會堂外之墳塋必令誦官會所定之送殯文英國有著名之二書院民會之子弟不准入院讀書即使勉強入讀亦不能博取功名諸如此類不公已極○猶太人之居於英國者自守其猶太教而其受官會之欺侮亦與民會相似且更有甚焉者凡猶太教人概不許人舉入議院以充議員○查英國所定保業之例關係乎貧民之生計者至無窮人今幸掃除淨盡貧民

大有轉機乃立教者之受屈尙復依然如故衆咸謂此例之更未知何
日也○民會中人歲入之款英廷恒強令十捐其一以充官會中教士
教民養贍之需時歷千年相沿爲虐至一千八百三十六年道光十六年大改
制度之時始測此例民會應捐與否并捐資之多少悉聽其便官不願
間民會如釋重負有職功頌德者矣○民會中人既須捐資以養其教
士若再勒令捐資以養官會其不公孰甚去之宜也此外又有科派捐
修官會禮拜堂之例尙未掃除一千八百六十一年咸豐十一年議院中曾
議及此爰舉行投簡之法諸議員投入不可派捐之簡者已有其半而
投入不妨派捐之簡者仍有其半遂命照舊派捐至一千八百六十八
年同治八年重議此事始定不准派捐之例民會苟有欲捐者亦聽其便民
會更喜○英民之婚娶者昔日必令到官會禮拜堂簽名方爲名正言

順波民會中人堅強令入官會堂一千八百三十六年

道光十六年

新例無

倫民人教士欲赴民會禮拜堂婚娶者亦許其為確證○民會教士死

昔年不准葬於官會之地議院諸員辨論紛紜究不能改直至一千八

百八十年

光緒六年

始許一体埋葬○九太教人之欲服官者仕及入下义

院為議員者英廷早許之矣一千八百五十八年

咸豐八年

諸員紳亦准九

太教人入上議院同參樞密○其民會受屈之最難伸者莫如不准入

大書院讀書及不准博取功名一節昔年恒有人爭之於議院請待民

會中人實太不公也一千八百七十一年

同治十年

始准民會為官會中人

一体讀書入仕毫無區別於是千年以來苛待教會之律漸除根矣

一千八百三十二年

道光十二年

求新班中諸員大改制度以後咸以為諸

務大定從此可無庸多事更張矣其時宰相羅色亦宣言於議院云吾

等內閣大臣此次一切加以整頓實已弊絕風清嗣後蕭規曹隨已足
與吾民相休息矣即當時之民亦各欣喜無量別無厭望於英廷矣而
孰知事有不可逆料者公舉官員之法羅色宰相初亦欲竭力推而廣
之惟一千八百三十二年道光十年所改者但許富戶各有舉官之權耳
若百工人等則仍終未能干預也於是議院中有一二議員獻議云
舉官之權似應家擅而戶操之方見大公又云各人舉官之際務宜許
其密而不露若仍昔日之明舉必有多人受臨其上者之扶制遂致民
所欲舉之員有所畏而不敢舉不欲舉之員又有所受而不敢不舉其
弊不可勝防又云凡各議員不可使之久於其任若如昔日一舉之後
永不虞其黜罷則可終身膺議員之榮而不必小心從事矣故宜定儀
員一任若干年之例任滿後即行另舉官員以補其缺等語然雖有以

上諸議要皆未即允行也。既而百工中有能研究書理、熟知國事者，撰爲百姓名分文一篇，洋洋灑灑，暢所欲言。文中所言之名分固屬合理，而其所設之法則欲強逼其廷，以使之不得不從於聖人之聞之者，心多不善也。特其論推廣公舉人員之理，則無有能駁之者。一千八百五十二年，威靈羅色宰相尚在位，乃決計推廣之。若官若民，亦皆無有非之者，乃以爲事在必行矣。不料俄土衅起，英人議助土耳其，以敵俄羅斯。而且俄禍未紓，印藩又叛，當軍書旁午之時，自無暇兼顧內政。一千八百五十九年，威靈軍務大定，英人始重議及之。時則守舊班領袖諸息爲守舊國許施濟萬分之一，諸議員之急於求新者皆大不悅，謂誠如此，則何用容其推廣也哉？守舊班諸員曰：我輩祇許畧予推廣，若諸君於公舉之法別有高見，則請另舉新宰相耳。其意蓋謂能使新宰相

履任亦難於分外應民之請也及當另舉之際英民衆口一詞不願守
舊班中人再寧大權而咸屬意於求新班其時求新班中声名鵲起者
凡三員一曰帕茂思登一曰羅色一曰杞辣士端而羅色屢執英政一
旦得所薪手卽於一千八百六十年_{咸豐十年}自出新意謂鄉里間人每年
納租賦英金十鎊以上者城市中人每年納租賦英金六鎊以上者皆
得准其有舉官之權帕茂思登不然其說民間亦不甚過問兼之諸議
員不願與聞此議羅色知衆情不屬無奈默爾而息帕茂思登繼掌大
權義員中間有欲起而講求推廣公舉人員之事者帕茂思登昌言駁
之他議員卽從而和之民間仍不甚要求故日久尙循舊轍惟民心之
以爲宜廣者日積月累變_化然較盛於前矣一千八百六十五年_{同治四年}
值另舉議員之期逸帕茂思登謝世遂以杞辣士端爲求新班之領袖

重議推廣公舉人員事宜至一千八百六十六年同治五年杞辣士端立議

日向日鄉民年納租賦英金四十鎊以上城中之民年納租賦英金十

鎊以上始可有舉官之權者今宜改爲鄉民年納十四鎊城民年納七

鎊即可與於舉官之列諦息時維怕茂思登爲相率同守舊班諸議員

力持駁議藉口於舉官之人太多恐國事有隳隳之虞也求漸班中有

羅姓議員亦不以杞辣士端之議爲然杞辣士端循例挂冠而去守舊

班中得志各持分權不宜過廣之說而斥鄉民納租十四鎊城民納租

七鎊即可舉官之議爲太濫不料一千八百六十七年同治六年諦息所定

章程凡居於城中者不論年納租賦若干皆可舉官鄉民則年納租賦

英金十二鎊亦得與於舉官之列是則諦息之待鄉民雖嚴於杞辣士

端之議而其待城民也反寬於杞辣士端實屬意想所不到一千八百

七十二年、同治十一年

經英廷及上議院批准照行、從此英民之講求公舉

人員者無再求推廣者矣、且是年以後又議定准令民間密舉人員、以免貧民欲舉其員受人挾制及暗中受人傷害之苦、英民益喜。○考英吉利一國變通內政之處五十年中多至不可勝記、雖未十分圓滿而此前已大不相同、即以六十年前而論、全國之事皆操之於數世家貧賤之民分毫不敢與聞、且亦不知國事之臧否、故雖受盡苦楚祇能坐以待斃、當時亦無有人妄敢上請者、又安有聯合萬眾同心辦事之舉、至於黷武窮兵、國事之至大且危者、也不但剝民之脂膏以充兵餉、且將驅民之肢體以列戎行、乃從無有一官一弁起問斯民之願與否者、此外不公之律法亦甚繁多、亦罕聞有不服之小民、蓋民皆以爲王法之酷烈直如天災之流行、萬無防備之謀、安有挽回之策、我儕小民惟

附錄
百廢公舉
之注

有自執其力所能爲之業安分守己而已至於國之大政自有於國家
主持於上、蚩蚩者何知焉、一千八百三十二年道光十年、畧改制度諸富
戶得與諸巨室協辦國事此萌芽之始見者也、一千八百六十七年同治六年、議廣公舉人員之例、然後盡分其權於衆民、舊日私操政柄之章程
刪除殆盡民間亦皆視國事如家事報館之所持論里巷之所偶語無
非謂君實爲民而設、故治國事首宜依民心、議院諸員非但爲君主所
命兼爲民人所舉故欲爲君理事必先爲民陳情方協乎天理之公人
心之正且此倡彼和不啻萬口同声凡膺一命之榮者欲辦一事類先
博考民情然後順民情以圖國事治國遂如視諸掌矣、

一千八百六十七年

同治六年

既改舉官新法凡居於城市中者降至百工

人等無不操舉官之權惟鄉里間人之納租較少者每當公舉人員之

際依然作壁上觀自顧懷慙相形見絀鬱積日久鄉人亦發憤而起謂
吾輩何非英國之子民何爲使我向隅至於此極也一千八百八十四

年

光緒十年

下議院体察民情議曰鄉民亦不必問其三納租賦若干亦許

其一体舉官與城民不分軒輊旋迭請上議院核示上議院諸貴紳議

以舉官之權雖可由城市而推之鄉里然豈可漫無限制今下議院未

將若干人應舉若干官之數明白開列礙難准行英民間之徧國譯然

是年秋下議院領袖杞棘士請宰相於下議中補入舉官新額一條云

按民額以舉官員至一千八百八十五年

光緒十一年

上議院旋批准照行

英民遂益無期望者矣○考五十年前改定英民公舉人員之例或以

一縣計或以一城一鎮計應舉官若干員於民數之多寡不暇問也是

年始以民人生齒之數以定公舉官員之額假如其人少則令公舉

一員其處人多則令舉五六員才等又從前得操舉官之權者約有三
百萬人至是復加推廣則合英倫蘇格蘭阿爾蘭三省共有五百萬人
而英倫議員之增於舊額者計十二員蘇格蘭亦有增加於是英民咸
知五十年前所謂改制度者不過微末之見端耳及至此時全以下順
民心爲主更推而上之至於由教巨室爲政之時真有霄壤之殊矣觀
止矣若尚有未改之他事要皆無足重輕矣

初英國之將改制以順民心也守舊班諸員必曰朝廷大事小民何知
焉一千八百六十七年同治六年城中比戶得操舉官之權又有人言此輩
幸叨新例許其舉官而知識未開豈合濫竿選政此言誠是也且不特
未開知識已也竟有目不識丁者故當推廣例定曾聲明日後必應推
與教衛一層公家因遂注意於此時官場中有善於談諧者廣請於衆

曰今既予民以舉官之權然則民也者吾輩之主也而奈何其未學也
吾輩今亟宜設法以教吾輩之主庶其可哉語雖近諛卻有至理是
後在上議院爲官果能副其所言而杞棘士端於一千八百六十七年
同治六年爲相之時其部下諸僚屬亦各竭盡心力以教其民而實以教官
之主云○一千八百七十年同治九年議員福世德獻教民策云居今之世
宜先查明各處學塾之數如或不敷必須重新推廣歲需經費若干公
家則發帑以助之民間則籌捐以足之其所增設者除平常學塾之外
兼須教以經典中之大道惟教非一門孩童應從何教則須問其父母
以爲準公家切勿弗以勢力迫令強從某教是爲至要其經理學堂事務
應卽延本地紳士以資熟習至英倫一省仍准本地紳士操強令孩童
入塾之權蘇格蘭一省孩童有已及入塾之年者應令嬉戲者准地

方官罰其父母重戒禁之狎狎其父母之無力教子者官爲別設義塾而不取其束脩云云英廷於教民之事竭盡心力至此蓋欲使僑國無一不識字之人也其果能克副所欲與否倉猝誠難逆料但民既各擅舉官之權必先有舉官之識又必熟於古今治忽之所繫去則驅民於學塾閑繫至爲重大雖知其難不敢不勉及至英廷准立學塾新章之後英民之入幼學塾讀書者較之昔時其多二百二十五萬人假使無此新章則彼二百二十五萬人總角非分者突而弁兮依然不識不知之渴睡漢耳嗚呼學問之道其可忽哉○英國所辦各事向例派有專員各列清冊以資考證今查總管清冊人員報稱一千八百三十七年道光十七年英民每百人中能執筆以書己之姓名者僅有五十八人至一千八百七十六年光緒二年每百人中能執筆以書己之姓名者已增至八

十一人矣又查一千八百八十六年光緒十二年冊報英國學塾經費除各

大書院及中等各書院之外但以初學之書塾而論每年大約已需英

金四百萬鎊合華銀一千六百萬兩誠可謂盛莫與京矣

英國阿爾蘭一省於近二十年之內亦竭力整頓各事然尚有未臻完
備者溯三百餘年前即英國亨利王第八在位促逼阿爾蘭省民人一
切務遵王命其有仍遵羅馬教皇之命者以犯法論殊不知民之服教
有出於不期然而然者若欲以權勢強之亦徒見其口是心非而已矣
故二百餘年前即英王又嘗強人從監督會之耶穌教亦不過貌似服
依心終詐識也○昔者英國君民亦皆天主教中人也故有籌出公款
以助天主教經費之例既而英廷改從耶穌教即以公款改助耶穌教
會在英王之意亦自以爲的當不易矣殊不知英民十歲中信天主教

者仍居其八信耶穌教而從長老會者亦居其一其從監督會者不過九輩中之一耳乃英王以耶穌教中之監督會爲官會遂舉年中應給教會之公款專交監督一會若有以待阿爾蘭人未免不公爲請者監督會中人答曰英倫民人大半皆從監督會蓋儼然時王之制也阿爾蘭人若肯幡然悔悟悉從王制尙何不公之有一千八百六十五年同治四年帕茂思登爲相杞辣士端爲協辦大學士議及教會之事亦言英廷之待阿爾蘭人實屬不公阿民聞而大喜知來蘇之不遠矣然帕茂思登老矣似此關繫重大之舉未敢猝改至一千八百六十九年同治八年杞辣士端繼之爲相甫及半月卽建議云阿爾蘭人民既屬大半願從天主教則英廷不可強令仿照英倫人之例至阿爾蘭之耶穌教天主教中人不必令在英之上議院會議國政日後大掌教缺出亦不必由英

廷簡派庶彼此兩無偏倚。阿爾蘭省之官教堂地址，仍由監督會中人掌管。英廷惟科其一半之租賦。監督會之舊教士，本由英廷給予俸金者，今仍從豐賞給。若日後續有列名之新教士，則一概不給官俸，以示限制。監督會若有盈餘之款，盡行呈交英廷。英廷許以另款存儲，俟有大事之裨益於阿爾蘭者，則用之。斷不分給各教，以充教化之需。照此章程，定於五閱月後舉行。徵特教務，悉能妥洽。英廷且可收入英金七百萬鎊。舉凡有益於阿爾蘭諸事，議上上下下各議員，多以為照舊章便。杞棘士端謂若不改革，阿爾蘭民何以得被公平之澤。其改之便，於是竭盡才力，力為論辨。遲之日久，上下議院始共感悟。君主亦遂准行。○杞棘士端之說既行，英人皆喜，謂從此教會中之一大弊去矣。而推下議院諸員之意，惟務在安輯阿爾蘭之人耳。其他非所計也。杞棘士端

則欲乘此以立教會之新章。盡臻大同之郅治。監督會中人聞之。卽於新章未定以前之五閱月內。多派教士至阿爾蘭省。以整歸入舊教士之原額。俾日後歲領常俸。故向日阿爾蘭省監督會教士。僅有五百名者。此五閱月中。驟增至九百名。又念日後教士應領俸金。旣由公家查照原額。源源賞給。遂先格外濫增。卽該所謂慷慨他人之慨者也。監督會旣有此弊。迫至五閱月限滿核付欸項之際。英廷直須付給英金八百餘萬鎊。其私產尙不在其列也。此外又有天主教及耶穌教之長老會。一切費用。亦須動支國帑。然尙可盈餘英金六百萬鎊。以充舉辦有益於阿爾蘭諸事。則教會之富。可想見矣。自此以後。阿爾蘭之監督會。亦卽改爲民會。向日官會之名。目一體革除。惟尙由公家賞給之產業。除徵其盈餘之英金六百萬鎊外。仍歸是會支銷。待之亦未嘗過刻也。

阿爾蘭最爲棘手之事莫如地畝。蓋其人半是農夫，訟庭所審判者大半皆兩鄰雲之案。說者謂耕田而食，類皆安分良民，何至對簿公庭？與囚徒爲伍，則緣阿爾蘭之農夫皆非能自有其田也。有主之者也，且爲之田主者又大半非連汗累陌之富家也，且更散處四方，無土著於阿爾蘭者也。阿爾蘭之農夫欲佃其田，苟田主而願給之佃種也者，春耕夏耘，庶幾得所藉手，一旦田主曰：吾不給若種，則惟有懸耒而嗟耳。然其心則大不服，謂吾始佃汝田，不啻荒蕪一片，自經吾與汝家終歲勤動，或開溝洫，或加糞壅，或芟夷其荆棘，或掘棄其犂確，而後瘠者腴，荒者熟，前勞若是其可稱也。乃田主不以爲功，或更見地之肥美，反令增繳田租，違則別招他佃。吾輩其何以堪之哉？於是若有欲斷田欠租者，則積重難返，恐爲鄉里之所不容，往往負屈銜冤，求伸於官府。其在賢

明之吏早已洞屬隱情恒欲左袒佃戶而遍查律例並無保佃之明文則惟有將就了事含糊定案佃戶愈無所涉遂有暗損其田冀墮田主之業者歷年既久農夫務求一相安之策爰共私立一規條卽以烏魯士德一府而論若佃戶已將本年之租籽掃數繳清田主卽不得另招他佃倘至明年佃戶不願再種此地竟由佃戶另覓他佃而索償其積年所費之資本此規一定官旣無可如何且更有不能按期付租之佃戶亦執此以爲藉口蓋偏重之勢又已成矣田主恨之切骨謂我有田而人強古之天下豈有是理乎爰有強有力者恃勢威逼佃戶謂田固我之田也我欲何人承佃卽歸何人豈容若輩霸占似此一再反覆間儼有佃戶已就其田出資蓋屋以居者田旣不容伊種不得不向田主索還屋價田主反謂我之田中汝何得私造房屋故不特不還其屋價

又向新佃云我田中有屋可居汝須於田租之外另繳房租吁若而人者直徠農夫辛苦之資而據爲已有天下不公不平之事尙有甚於此者哉而舊佃則一腔怨憤無可呼籲或乃鋌而走險糾眾以毆新佃新佃告田主而助之舊佃卽與田主爲難甚至釀成命案問官則咨嗟太息卒無一持平之良法杞辣之端心久悶之因爲定一保護農人之律俾不再受田主之暴虐其法畧謂佃戶租田之際可立租限以三十一年爲期若未滿期而田主不允再租者至少給還舊佃以二年之租價甚或有多至七年者似轉佃蓋屋於其地或爲有益於田之事務佃戶自應血本者須由田主一一償還之後始許另招他佃又若三十一年之內佃戶不願再種准由本佃招人承頂應收各費自行妥議不特官不與聞田主亦不准勒捐其田主之欲開墾荒地者或另領築路或必應

第八行
可引明
據分注之

造屋經費若有不足，皆官爲另辦。公歛許其借用以上皆新律之語也。然以數百年來相沿之弊，實律雖已定於公室，譬仍難杜於私家。故田主知戶籍未能彼此相安，杞棘士端亦誠無可如何矣。

英廷既命阿爾蘭省農佃之苦累爲之改定新律，亦所謂盡心焉耳矣。乃阿爾蘭人仍以爲未能相安，怨英廷之不公者，謗言四起，遂有精練阿爾蘭之名士數輩，聲言本省當自立議院以自圖其便民之政。其議院即設於多不靈地方云云。而其第一知名之士曰帕而內者，當英廷舉辦大事之際，不問有益與否，所左則右，之所右則左之，務期力阻其肘，而後大快於心。越數年，適值阿爾蘭年穀不登，農佃痛苦至一千八百八十年。九年農人忽結死黨，以地事會爲名，糾約各佃，概不繳納租穀。地主怒甚，遣人以威力追比，乃地事會人攘臂一呼，亂者四起，往往

又釀成命案其良善之佃戶自願恪遵法令如期納租者地黨會人更敢率領牙爪殘毀其牲畜物業終不知玉意為何物杞棘士端以為阿爾蘭人之敢於妄為者必所定租地之律尚有不公也一千八百八十年^{光緒}又集諸議員加意整頓令各地主以公平之價收定租金佃戶若有負欠及不合租約之事不准地主立時攆逐佃戶分所應居之地則准其隨時變賣得佃之戶至此各個戶苟有天良謂官若何威激若何調護而不料其禍顧如故也英廷乃赫然震怒立命難法拿辦地黨會如前然尚有暗蓄奸謀者一千八百八十二年^{光緒}英廷派駐阿爾蘭省大臣查道若輩謀斃英廷更怒遂由刑部議定刑律凡有地黨會案除一一從嚴科罪始得相安無事者二年○嘗見時也英精杞棘士端公憤愛心如焚謂人君願精圖治要皆有當盡之道若竟以

勢力制民人於理終不吻合、一千八百八十六年光緒十二年議行第三次安南河爾蘭人之法、其法一欲俯力阿爾蘭人即在多不露地方自立議院以辦其本省之事、一欲鑒定英金五千萬鎊貸與阿爾蘭之各個戶、以便各自購田爲其私產、守舊班中人聞之固皆不以爲然、即求新班中諸員亦是者半而否者半、於是求新班又分而爲兩、其與杞辣士端志同道合者名之曰英阿分治班、其背道而馳者曰英阿合治班、杞辣士端知衆情未洽、准阿爾蘭分治之事不能達成、乃上表請飭另舉新官、以慰過國之意、阿及至另舉之員皆入議院、亦大半不願分治、杞辣士端公再解宰相印綬、沙士勃雷侯繼相於是議院諸員幾若盡忘其爲守舊求新兩班也者、而英阿分治合治兩班則如水炭之不相入矣。